

《中國地方藝文薈萃》編委會 編

中國地方藝文薈萃

學苑出版社

中國卷·第二輯 伍

中南卷·第二輯
伍

中國地方藝文薈萃

《中國地方藝文薈萃》編委會 編

貴州师范学院内部使用

第五冊目錄

國朝中州名賢集(三)

.....

國朝中州名賢集(三)

貴州师范学院内部使用

國朝中州名賢集(三)

(清) 黃舒昺編

據清光緒十七年(一八九一)睢陽洛學書院刻本影印

國朝中州名賢集卷九

文圖李先生文鈔目錄

條陳時政之要疏

軍機說帖

與諸生論義利之辨

河朔書院諭諸生

諭諸生

與吳生次畊書

復趙惠南書

復鄭錦城書

示兒帖

會試錄序

順天鄉試錄後敘

志節編敘

教士彙編敘

贈耿畏天敘

送謝輔亭歸蜀敘

鹿忠節輔仁草敘後跋

書漢諸葛忠武侯傳後

牛烈女傳

韓貞女傳

藉貞女傳

楊烈女墓誌銘

楚南湘潭後學黃舒丙編輯

國朝中州名賢集卷九

文園李先生文鈔

條陳時政之要疏

奏爲條陳時政之要以期致治戡亂仰祈

聖鑒事竊臣病伏鄉里將二十年怔忡眩暈舊疾久未

能愈而讀書自治之功未敢稍廢咸豐十一年十月間

猥承

恩命

召令來京且有學養深邃方正老成之褒臣感激涕零

倍深悚愧今趨赴

洛賢文鈔

卷九 文園

闕廷管蠶所及願爲我

皇上陳之

一曰端出治之本夫出治在君而所以出治者在人君之一心今海內沸騰生民塗炭誠刻苦奮勵之時也臣竊謂刻苦奮勵之實不徒在於用人行政而在於治心治心之要不徒在於言語動作而尤在於克己凡自私而惟便身圖自是而言莫予違皆已也欲克去之必如大學之格物而後已無所蔽此心之義理日明必如大學之誠意而後已無所容此心之權衡自定今皇上沖齡踐祚慎擇師傅誠爲切要之圖願

皇上在書房左右師傅以經書導之以嚴敬事之輔翼
匡正必有所益若回宮以後游息之時倘一涉於放肆
恐書房之啟沃皆虛師傅之匡輔何濟臣愚以爲

皇太后尤宜留神但使從容游衍無過拘迫以養其天
機斷不可使左右近習誘令遊戲以卽於匪彝杜漸防
微似尤緊要至格物誠意之說發於大學宋儒真德秀
衍義闡繹發明足資治理而我

高宗純皇帝御批通鑑輯覽於治國平天下之方指示
精切千古致治戡亂之方大畧無出於此現在

皇太后聽政於上似可於暇時取此二書細繹參考師

古證今於時事必更有裨并求於

皇上回宮時以此書之說切身指示更足培養德性資
長見聞凡此皆所以養其本心閑其放心物格意誠之
效並在於此出治之本端而後用人行政可得而言矣
一曰振紀綱之實國之所以立在紀綱紀綱之所以振
在賞罰賞罰者人君鼓舞天下之大權必賞一人而天
下勸罰一人而天下懲而後紀綱森然中外之大小臣
工皆有所遵守敬畏而罔敢踰越今天下積弊已深痿
痺已甚非痛除舊習大加振作不足以起沈錮而回元
氣自去年大奸既去中外翕然外夷見而心折逆匪聞

而臆寒轉移天下之機實在於此從此力爲整頓凡所爲澄叙官方整飭武備蠲緩租賦戢捕奸盜崇節儉慎刑獄等事

上諭之所通行者嚴加查察文自督撫以下武自將帥以下其實力奉行者賞之任意延擱者誅之不容含混不容因循

朝廷之德意必使下流

國家之法令必使徧達無中阻壅隔之患而後一體相聯貫注浹洽四維張而衆目舉中外氣象自煥然改觀矣不然者

朝廷第通諭使知大吏第轉行文告虛應故事粉飾具
文上下之情志不通有司之蔽塞日甚立一法即多一
弊增一防弊之人即多一作弊之人紀綱懈弛人鮮顧
忌欲以平禍亂而致太平臣竊恐其難也

一曰安民之要今寇賊幾徧天下十數年來日言平賊
而賊反日多皆由民不得安之故也夫安民必輕徭薄
賦而非擇循良之州縣則浮費日增必不肯減徭賦非
擇廉幹之大吏則陋規不去亦無由得循良蓋大法而
後小廉官清而後民安民不至變而爲賊賊且可變而
爲民以皖豫而論類毫汝光之間今日之賊皆前日之

民也當其未爲賊也錢漕之浮收困之差役之繁苛困之輸捐之不已困之雜派之暴急書役之訛索又交困之官視民如魚肉民視官如寇讐官之所爲皆驅民爲賊之事至擒匪焚殺淫掠慘不忍言官不能衛民又禁民結團自衛民無以自存於是皆被賊脅從苟延旦夕而賊益蔓延猖獗不可制矣臣竊謂欲平賊必先安民欲安民必先擇廉幹之督撫潔已率屬裁革陋規州縣之清勤者獎之疲玩貪虐者斥之實心實力綏戢流亡嚴捕寇盜大吏之所爲皆足以服逆匪之心而折其鴟張之氣則脅從旣聞而思歸老賊亦聞而氣靡安民之

實卽平賊之本矣

一曰平賊之要古之行軍者必事權歸一而後足以聯臂指之勢必軍法嚴明而後足以作將卒之氣今皖豫之間多放

欽差大臣分均勢敵不相統屬勝則爭功敗不相救彼此坐失事機賊因得乘閒以肆其猖獗此事權不一之弊也至於督撫將帥平時不早嚴備臨變只有倉皇畏縮退避誤

國殃民迨至失守封疆罪狀昭著本應卽軍前正法以申